

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

September 2021

Ons nuwe seisoen waarna ons met verwagting uitgesien het, het afgeskop en mag dit 'n seisoen wees waar almal sal saamspan om die ongewone uitdagings wat in die klub mag kopuitsteek, die hoof te bied. Dit was 'n vreemde seisoen waarin ons kommunikasie elektronies geskied het en ons sê baie dankie aan Dawie, Bosman en Hermien vir al hulle insette om die lede op hoogte van sake en ingelig te hou. Dit was 'n reuse taak.

Die Algemene Jaarvergadering is ook vir die eerste keer tweeledig aangebied: in die saal, slegs 50 persone, sowel as virtueel. Lede kon die skakel wat voorsien is, deel en die verrigtinge so volg. Dit het besonder goed gegaan en die volgende persone is as bestuur verkies.

Dagbestuur: *President:* Bosman Olivier. *Visie President* Johan Meaker, *Sekretaresse:* Hermien Velleman en *Tesouriere:* Marieta Fourie,

Fasiliteite: *Kroegman/ Klubhuisbestuurder:* Duo Oosthuizen, *Perkemeester:* Jaco Immelman, *Covid-19 Beampste:* Maria Steyn en *Gasvryheidsbestuurder:* Lizel Look.

Rolbal: *Technical en Coaching:* John Ralph, *Competition Secretaries:* Thea Opperman (ladies) and Herman du Plessis (men), *Selectors (convenors):* Marsha Greyling (ladies) and Hannes Botha (men).

Toucher: Mari Flint

BAIE DANKIE aan Jaco en sy helpers en die munisipale-span wat met die versorging van die bane wondere verrig het. Ook vir Ernst wat met die snymasjiene se herstel help. Ons bane rol baie goed en duisend dankies Jaco vir jou passie en ywer wat vrugte afwerp. Soos die President gesê het: "Die komplimente het ingestroom gedurende die afgelope toernooi. Ons waardeer jou insette!"

Dit is dan ook grootliks danksy die stand van ons bane dat ons op 3, 4, 5 en 11 September van die kompetisies in die Gauteng Ope (Perfect Delivery) toernooi kon aanbied. Groot dankie aan almal wat gehelp het dat alles baie goed verloop het. Komplimente uit verskeie oorde maak jou trots om lid van die Klub te wees. Welgedaan!

Tye vir skyfies in:

Dinsdae - gemengde spel, skyfies in 09:00 vir 09:30

Donderdae - gemengde spel, skyfies in 09:00 vir 09:30

Saterdag - gemengde spel, skyfies in 13:00 vir 13:30

Spel word Saterdag in Rolbaldrag (Klubkleure) gespeel en gewone drag vir die ander dae.

Vir klubwedstryde en klubfunksies trek ons ook rolbaldrag aan.

Ligawedstryde word gespeel as span, in eenvormige drag (Klubkleure).

Choose Calm over Chaos, Serenity over Stress, Peace over Perfection, Grace over Grit and Faith over Fear.

LIEF EN LEED

* Willem en Ronel van Zyl het by hulle kinders in Switzerland gaan kuier en het ook hulle nuwe kleindogter ontmoet. Baie geluk met die nuweling en geniet die kuier.

*Groot vreugde vir Hans en Marsha wie se kinders van Amerika kom kuier het.

*Our deepest sympathy to John and his family with the passing of Bronwen. She will be remembered as a person with a warm heart that touched the lives of many people with her kindness. (1970-11-06 to 2021-08-22).

*Hendrina en Johan Meaker het op 21 Augustus die knoop deurgehaak en saam aan die nuwe hoofstuk van hulle lewens begin skryf. Voorspoed en baie Geluk!!

*Hendrina ondergaan die 17de 'n heupoperasie. Sterkte.

*Kobus Nieuwoudt en John van der Veen herstel albei nog van onlangse rugoperasies. Ons dink aan julle.

*Dawn se knie herstel goed en ons hoop om haar spoedig weer te sien rol.

*Judy en Veronica het al albei kom oë wys maar sien nog nie kans om te speel. Sterkte julle.

*Marie Strydom sukkel ook nog met haar knie na 'n operasie. Ons dink aan jou.

*Annie Marais herstel ook goed na haar val (van die leer af!)

The most expensive liquid in the world is a tear. It is 1% water and 99% feelings. Think before you hurt someone.

BEDANK AS Lid

Priscilla Lampbrecht
Marie Strydom

Yvonne Odendaal
Rona Viljoen

Magriet Rabie

KLUBDRAG.

Praat met Hermien indien jy klub hemde of 'n klub baadjie benodig.

NAAMBALKIES: ons vra dat lede hulle naambalkies sal dra. Daar sal 'n lys op die bord wees waarop jy jou naam kan plaas indien joune soek/verlore is of praat met Hermien. 082 745 3931.

Ledegeld vir / Membership Fees for 2021-2022 Seisoen/Season

Ledegeld plus BSA en BGN Affiliasiefooie van R490.00 is ten volle betaalbaar teen 31 Oktober 2021.
Spesiale reelings vir afbetaling kan met die Tesouriere getref word.

Status	Ouderdom op 1 Julie 2021. (Gebore voor 1 Jul 1946)	Klub ledegeld (Per persoon)	Totaal betaalbaar (Affil. Ingesluit)
Enkel persoon	75 jaar en ouer.	R1 170.00	R1 660.00
	Onder 75 jaar.	R1 380.00	R1 870.00
.....			
Getroude Persoon: (Beide lid van Klub)	75 jaar en ouer.	R1 110.00	R1 600.00
	Onder 75 jaar.	R1 320.00	R1 810.00
.....			

LW: Getroude persone – albei moet lede van die Klub wees om te kwalifiseer. Indien een ouer as 75 jaar is betaal beide die laer tarief.

* Verhoging van 15% vir ledegeld tydens AJV van 28 Aug 2021 goedgekeur. Geen verhogings in affiliasiefooie vir BSA en BGN.

LW: Tjeks word nie meer aanvaar nie. Ons verkies dat betalings elektronies geskied (EFT of per kaart). Daar is 'n kaart fasiliteit by die klub. Kontant sal slegs in hoogs uitsonderlike gevalle aanvaar word.

BANKBESONDERHEDE

ABSA Bank, Centurion tak

Begunstigde: Centurion Rolbalklub

Tjekrekeningnr: 40533 23178

Verwysing: U naam van en "ledegeld" asb

Stuur asb bewys van betaling per e-pos aan secretary@centurion-bowls.co.za of plaas 'n afskrif daarvan in die posbus by die kantoor.

The Lord gave you two ends. One for sitting on and one for thinking. Your success depends on which end you use. Heads you win. Tails you lose.

Diensrooster vir September en Oktober 2021

Pligte vir mans sluit in die volgende: Uitsit van bane, hys van vlag en uitsit van water. Bane word op Dinsdae en Donderdae in die oggende en Saterdag namiddag uitgesit.

As gevolg van Covid 19 word die dames ook betrek om behulpsaam te wees by die ingang om almal se temperatuur te meet.

Voortaan word van die mans en dames verwag om ook die spanne uit te sit. As julle probleme ondervind, vra – daar sal altyd 'n helpende hand wees om julle te help.

Indien jy op n spesifieke dag nie jou diensbeurt kan nakom nie is dit JOU verantwoordelikheid om uit te ruil of iemand in jou plek te kry. Sameroepers moet asb onderling reël.

September 2021

Sameroeper Mans: Wim van der Waals 082 821 1958

- Matie Stander
- Theo de la Rey
- Ben de Lange

Sameroeper Dames: Estelle de Beer 082 438 9606

- Dorina du Plessis
- Annatjie de Wet

Oktober 2021

Sameroeper Mans: Danny de Lang 072 752 6027

- Louis Botha
- Frans Human

Sameroeper Dames: Hessie de Lang 072 508 0080

- Bets du Plessis
- Felicity Janse van Rensburg

Daar is 'n lys van dienspligte vir die hele jaar op die kennisgewingbord sodat jy vooraf kan reëlings tref indien jy nie jou diensbeurt kan opneem nie.

Our anxiety does not come from thinking about the future but from wanting to control it.

VERJAARSDAE IN SEPTEMBER

Baie geluk. Liefde en seënwenne vir julle

1 Gert Cloete

1 Frans Human

Toucher Sep 2021

Bls 4 van 12

3	Anita Beukes
10	J D Zeeman
13	Abri Immelman
22	Christa Roux
25	Bets du Plessis
26	Kobus Nieuwoudt
28	Jaco Immelman
30	Koos Moolman

VERJAARSDAE IN OKTOBER

Hartlik geluk! Mag julle nuwe lewensjaar vol verrassings wees.

2	Louis de klerk
6	Susan Schutte
8	Freda Cloete
9	John Ralph
17	Marieta Fourie
17	Johan Meaker
18	Appie Nieuwoudt
20	Lourens Olivier
24	Dawie Hanekom
25	Annette Olivier
27	Wiesa Kruger
31	Dup du Plessis

You are young at any age if you are planning for tomorrow.

VERJAARSDAE IN NOVEMBER

Baie geluk en 'n geseënde jaar vir julle

1	Jan Ebersohn
7.	Tillie Kamper
8	Bruce Austen
15	Annie du Plessis
17	Frank Wepener
27	Sarie Esterhuizen
29	Louie weber
30	Annie Marais

*The secret to living well and longer is: eat half, walk double, laugh triple and love without measure.
Tibetan proverb.*

DAMES KLUB KOMPETISIES

‘n Goeie hoeveelheid dames het vir die dames kompetisies ingeskryf. Die Uitslae was as volg:

KOMPETISIE	WENNERS	NAASWENNERS	INSKRYWINGS
ENKELS OPE	Hermien Velleman	Marsha Greyling	20 Dames

SENIOR ENKELS	Thea Opperman	Dorina du Plessis	12 Dames
---------------	---------------	-------------------	----------

BEGINNERS ENKELS	Marie-Louise James	Zinda Muller	6 Dames
------------------	--------------------	--------------	---------

GELOTE DRIESPAN	Hessie de Lang, Hermien Velleman, Maria Steyn	Thea Opperman, Anita Beukes, Zinda Muller	9 Spanne
-----------------	---	---	----------

GEKOSE PARE	Annie Marais, Marsha Greyling	Betsie du Plessis, Dorina du Plessis	12 Pare
-------------	----------------------------------	---	---------

GELOTE PARE	Hendrina Haupt, Christa Roux	Betsie du Plessis, Dorina du Plessis	12 Pare
-------------	---------------------------------	---	---------

GELOTE VIERSPAN	Felicity Janse van Rensburg, Hermien Velleman, Corey Marais, Marie-Louise James	Mari Flint, Hendrina Haupt, Frances Slabbert, Liesel Look	8 Spanne
-----------------	---	--	----------

GEMENGDE GEKOSE PARE	Tillie Kamper, Gerrit Kamper	Betsie du Plessis, Tian Pietersen
----------------------------	---------------------------------	--------------------------------------

Dit was pragtige, spannende en naelbyt kompetisies. Baie tellings was 21/18, 21/20 ens.

Baie dankie aan al die dames wat onder moeilike omstandighede en met ‘n baie goeie gees deelgeneem het. Dit was ‘n plesier om met julle almal saam te werk.

Doen so voort dames!!!

MANS KOMPETISIE VERSLAG VIR 2020/2021

Die volgende kompetisies is in die 2020/2021 rolbaljaar gespeel by Centurion Rolbalklub, met wenners en naaswenners, asook aantal deelnemers, ook aangedui:

KOMPETISIE	WENNER(S)	NAASWENNER (S)	AANTAL DEELNEMERS
Enkelspel vir beginners (novices)	Frans Human	Gavin Nisbet	5
Mans Enkel Ope	Bosman Olivier	Wim van der Waals	17
Mans Senior Enkel Ope	Ted Harley	Wim van der Waals	12
Mans Gelote Pare	Johan Meaker John Pereira	Herman du Plessis Dawie Hanekom	16
Mans Gekose Pare	Herman du Plessis Johan Meaker	Piet Schutte Gerrit Kamper	16
Gemengde Gekose Pare	Gerrit Kamper Tillie Kamper	Tian Pietersen Bets du Plessis	16 mans 16 vroue
Gelote Driebal	Tian Pietersen Brian Kleingeld Gavin Nisbet	Bosman Olivier Herman du Plessis Kobus Nieuwoudt	21
Gekose Driebal	Tian Pietersen Brian Kleingeld Gavin Nisbet	Piet Schutte Gerrit Kamper Gert Cloete	12
Mans Gelote Vierbal	Bosman Olivier Herman du Plessis Gavin Nisbet John Pereira	Tian Pietersen Brian Kleingeld Jaco Immelman Willem van Zyl	8

Die stand van mansspelers in die Victor Lodorum toekenning:

1.	Gavin Nisbet	28 punte
5.	Bosman Olivier	24 punte
5.	Herman du Plessis	24 punte
5.	Tian Pietersen	24 punte
5.	Brian Kleingeld	24 punte

Baie geluk aan al die wenners en in besonder aan Gavin Nisbet, die wenner van die **Victor Lodorum** toekenning.

Dit is kommerwekkend om te sien hoe min mans inskryf vir ons jaarlikse klubkompetisies. Dit sal 'n fokuspunt wees vir 2021/22 om meer mans te betrek by die klubkompetisies.

Dankie aan almal wat wel ingeskryf en gespeel het, te midde van vele onderbrekings as gevolg van inperkings, ligabepalings, en ander BGN kompetisies

Life is too short, spend it with people who celebrate your presence, make you smile and feel loved.

The Nest Afrigtingskliniek 29 Augustus - 3 September 2021

Zinda en Ernst, Elize en Herman, Tillie en Gerrit was bevoorreg om hierdie afrigtingskliniek saam met ongeveer 45 mense van regoor die land by te woon. Die doel van die kliniek is om die basiese vaardighede van rolbal op te skerp. Die aanbieders, nasionale rolbalafrigters, Theuns Fraser en Simon Botha het die volle spektrum van die spel onder die vergrootglas geplaas en waardevolle tegnieke en wenke met ons gedeel.

Die program het die volgende behels:

- Korrekte grootte van rolbalballe van elke deelnemer
- Greep
- Die mat: staan, tydsberekening en aflewering
- Die lyn van aflewering
- Gewigsbeheer
- Verskillende soorte skote, soos o.a. die trekskoot, die "chop and lie", en die dryfhou.
- Die lees van 'n kop
- Taktiek
- Die waarde en taak van elke lid van die span
- Rolbal etiket
- Die belangrikheid van opwarming voor spel.

Die afrigters het baie moeite gedoen om elke speler raad te gee en aan te moedig. Dit was vir elkeen van ons Centurionlede 'n waardevolle speel- en leerervaring.

Met groot vrymoedigheid kan die kliniek aanbeveel word. Die hotelverblyf en die etes was uit die boonste rakke. Die tyd sal leer of The Nest 'n verskil in ons spel sal maak, maar ons gaan beslis met nuwe entoesiasme speel!

Don't fear the bumpy road that lies ahead for it is nothing more than the dust we left behind.

Verslag van die President 2019 – 2021



Die afgelope jaar was, soos vir menige mense, baie uitdagend vir die klub. Covid-19 het sy stempel afgedruk onder die lede en ook die klub self.

Ons het maar stadig van die grond af gekom, maar sonder die lede se ondersteuning sou dit glad nie gebeur het nie. Ons het besef die klub se finansies het swaargeskry onder die juk van die Covid-inperkings en ook inbrake by die klub se Wendy's, wat groot skade veroorsaak het. Die lede het baie gewillig ingespring by 'n klompie pret-dae wat ook as mini-fondsinsamelings gedien het. Op die manier kon ons darem

sommige van die skade herstel.

Ons het net mooi op dreef begin kom en sommige van die kompetisies afgehandel toe die tweede inperking kom en ons die klub in Desember weer moes sluit terwyl die tweede piek van die pandemie voortgewoed het.

Na die verkiesing van die bestuur, het die tesourier, Louwtjie du Plessis, bedank weens gesondheidsredes en Dawie Hanekom, die vorige tesourier het sonder om te skroom weer die finansiële leisels oorgeneem. Ek is besonder dankbaar dat hy dit gedoen het en ons op die regte pad gehou het met sy kundigheid en gesonde benadering teenoor die klub se geldsake. Daar was 'n aantal uitdagings, soos die herstel van die grassnyers en ook die aankoop van 'n grassnyer wat ons nou ons eie kan noem.

Ons is ook groot dank verskuldig aan Dup, die vorige perkemeester, wat na 'n hele aantal jare besluit het om uit te tree. 'n Mens kan sien hy is nou sommer baie meer ontspanne op die baan nou dat hy nie meer na al die raad oor die bane hoef te luister nie.

LIDMAATSKAP

Een van die uitwerkings van die pandemie was ook 'n netto afname in die getal lede. Aan die begin van Julie 2020 het die klub ongeveer 140 lede gehad, en 'n jaar later het die syfer tot ongeveer 129 gekrimp. Hierdie afname in ledetal het uiteraard ook 'n invloed gehad op die inkomste van die klub, soos gesien kan word in die finansiële state wat deur Dawie voorgelê is.

Dit is nodig dat ons aktief na nuwe lede soek. Volgens die finansiële vooruitskattings, benodig ons elke maand minstens drie nuwe lede om die boeke te laat klop!

Lede wat die klub wel wil verlaat, word daaraan herinner dat hulle binne twee weke vanaf die AJV hulle bedanking skriftelik moet indien, anders bly hulle steeds verantwoordelik vir die jaar se ledegelde.

KOMPETISIES

Op die kompetisiefront het die pandemie nie te veel gepla nie en die meeste kompetisies is afgehandel, met heelwat innobering van die kompetisiesekretaris. Die dames-beginners (novices) het byvoorbeeld hulle hele kompetisie op een Saterdag afgehandel. Die ses deelnemers het in 'n rondomtalietoernooi gespeel en die uitspeelwedstryde is die Saterdagmiddag voltooi, met Marie-Louise James wat as wenner uit die stryd getree het.

Die res van die kompetisies het almal goed afgegaan met naelbyt-tellings in die meeste gevalle.

Die dames het die mans ore aangesit met hulle deelname aan die klubkompetisies. In al die gevalle het meer dames vir die kompetisies ingeskryf as die mans. Die mans-vierspan het net-net plaasgevind omdat daar net 8 spelers was, teenoor die dames waar 32 spelers ingeskryf het.

By die mans is Frans Human gekroon as beginnerkampioen uit 'n totaal van 5 spelers.

Die kompetisiesekretaris se geduld is dikwels getoets deur die spelers wat nie op die geskeduleerde dae beskikbaar was nie en vereis het dat ander reëlins gemaak moes word. Hierdie situasie plaas groot druk op die organiseerders om die kompetisies af te handel. Daar sal beslis strenger by die skedule gehou moet word en wanneer spelers skielik nie meer op die bepaalde tyd kan speel nie, moet hulle dan oorweeg om te

onttrek en die wedstryde af te staan. 'n Mens moet uiteraard ook redelik wees en die omstandighede in ag neem.

Hierdie onverklaarbare gebrek aan belangstelling van die mans is verder uitgebeeld in die deelname aan die BGN-liga. Waar Centurion altyd drie spanne in die mansafdeling ingeskryf het, kon ons hierdie afgelope jaar net twee spanne inskryf, terwyl die dames steeds drie spanne in die liga gehad het. Die twee manspanne het ook slegter gevaar as in die verlede en net die verdere inperking later in die jaar het gekeer dat een van die spanne na 'n laer afdeling gereleë is.

ONTWIKKELING

Om verlies aan lede te beperk, is 'n aantal nuwe lede deur die drie afrigters van die klub onder hande geneem, maar 'n paar van hierdie potensiële lede het, meesal weens die pandemie, aan rolbal onttrek voordat hulle opleiding voltooi is.

Woensdagmiddae is as afrigtingsmiddae vasgesel, met mintens een afrigter by die baan om spelers wat hule nodig het te help. Hier skitter die mans ook in hulle afwesigheid. Hierdie toestand kan moontlik die rede wees dat die mans so swak gevaar het in hulle liga-afdelings.

Indien die Centurion Rolbalklub weer 'n krag wil wees in BGN, sal daar ernstig aandag gegee moet word aan die ontwikkeling van ons spelers, veral mans, se kompetisievaardighede en -voorbereiding. Die werwing van jonger nuwe lede sal ook bydra tot die verbetering van ons spelgehalte. Die inisiatief van 'n aantal nuwelinge om gereeld saam te oefen onder die leiding van Ernst Muller is prysenswaardig. Maar, weereens is dit net dames wat die oefeninge bywoon.

PERKE

Die mantel het uiteindelik verskuif na Jaco Immelman, 'n nuwe, jonger en entoesiastiese speler wat gewillig was om na die perke ook te kyk. Hy moes reeds 'n paar krisisse afweer, soos toe die bane afgekeur is vir Liga-spel. Hy het, met die hulp van ander perkemeesters in BGN, gou die probleme te bowe gekom en ons bane speel nou byna soos kampioenskap-bane. Jaco het 'n paar keer self agter die grassnyer ingespring om te sorg dat alles reg is vir die dag se spel.

Ek moet ook vir Kobus Nieuwoudt hartlik bedank. Hy het, voor sy rug hom regtig begin opkeil het, ingestaan het vir Dup voordat Jaco aangestel is. Hy het ook die ekstra lengte geloop terwyl in beheer was.

Ons handhaaf 'n goeie verhouding met die Stadsraad van Tshwane, met gereelde vergaderings met die betrokke afdelings. 'n Nuwe personeelspan is aangestel en die verhouding met hulle is meesal goed.

Aan die begin van die seisoen het die klub "ons" grassnyer laat herstel, wat toe geblyk het nie ons masjien te wees nie. Ons het 'n masjien moes huur, wat deur die verskaffer uiteindelik aan ons verkoop is teen 'n bedrag van R20 000,00. Hierdie grassnyer is in Mei uit die stoorkamer gesteel maar kort daarna deur Jaco en Ernst teruggevind by 'n handelaar van tweedehandse goedere, wat dit onregmatig van die dief aangekoop het. Ons kon die masjien, met die hulp van die SAPS, terugkry sonder enige koste vir die klub. Hierdie diefstal het ons gedwing om die stoorkamer ook onder die bestaande alarmstelsel te beskerm.

KLUBHUIS

Benewens instandhouding in die badkamers, het die klubhuis nie groot aandag geverg nie. 'n Aspek wat wel kommer wek is die elektrisiteitsrekening wat, ondanks die feit dat die klubhuis vir lang tye toe was en die perke ook nie gesny is nie, steeds hoog bly. Onderhandelinge is met die stadsraad aan die gang om moontlik voorafbetaalde krag te koop sodat ons beter beheer het oor die elektrisiteitsverbruik en dus ook die koste.

Die klubhuis word van tyd tot tyd deur besighede gehuur om personeelfunksies te hou en waarby rolbal dikwels ook betrek word. Hierdie is 'n bron van inkomste wat beter benut moet word en aktiewe bemerking is moontlike 'n oplossing. Sodanige benutting van die klubgeriewe kan egter nie sonder die samewerking van die lede geskied nie, aangesien ons dikwels kleiner rolballe en "instrukteurs" nodige het om die besoekers toewys te maak.

FUNKSIES

Ons kon gelukkig hierdie jaar weer ons gereelde fondsinsamelingtoernooi hou. 'n Goeie wins van ongeveer R20 000,00 is gemaak, grootliks danksy die borgskap van King Price, Hierdie maatskappy het die baan en klubhuis behoorlik rooi geverf met hulle gekleurde vlae wat oral gepryk het. Ander funksies, soos die korporatiewe dag met die sakekamer het egter gesneuwel onder die invloed van die pandemie.

Die Meyersparkdag is hierdie jaar by Meyerspark aangebied en ons het ongelukkig die kompetisie verloor. Volgende jaar word die toernooi weer by ons aangebied en hoop ons om die trofee terug te bring huis toe. Die gereelde vierhoekige byeenkoms het nie plaasgevind nie

Die klub het ook 'n potjiekosdag aangebied wat deur talle lede ondersteun is en wat ook 'n goeie bydrae tot die klub se finansies gemaak het.

BESTUURSPAN

Dit was die afgelope jaar vir my 'n plesier om met die bestuurspan, wat by die vorige jaarvergadering verkies is, saam te werk. Die uitvoerende komitee was almal splinternuut in hulle poste en ons moes soms effens rondtas om die korrekte besluite te neem. Die lyk darem of ons meesal reg was volgens die lede van die klub. Dit kon net gebeur danksy die ondersteuning van die ander lede van die bestuur. Almal het ingespring wanneer dit nodig was en dikwels take verrig wat nie deel was van hulle oorspronklike portefeuljes nie.

SLOT

Sonder die samewerking van al die bestuurslede, en die onbaatsugtige bydraes en hulp van al die lede sou ons nie hierdie klub in stand kon hou nie.

'n Spesiale dankie aan Robina Anderson wat steeds gereeld die plante by die klub kom versorg, hoewel sy sedert die uitbreking van Covid-19 nog nie een keer kom speel het nie.

Ons dink ook met hartseer aan die lede wat deur die dood van ons weggeeneem is: Albie Venter en Eugene Janse van Rensburg is vir my Seders van hierdie klub wat geval het. Ons dink ook aan voormalige lede wat oorlede is.

Howel die pandemie rolbal in Suid-Afrika kwaai getref het, is ons ook dankbaar dat ons net een lid weens Covid-19 verloor het. Daar was 'n aantal wat siek was, maar hulle het genadiglik goed herstel en speel weer hulle rolbal met geesdrif en oorgawe.

Ek glo met die mensekapitaal in hierdie klub sal ons nog van krag tot krag gaan en binnekort weer een van die voorste klubs in BGN wees. Ek ervaar 'n baie positiewe gesindheid onder die lede, en dit is verblydend en bemoedigend. Ek sien net 'n goeie toekoms vir die klub.

Bosman Olivier

28 Augustus 2021

President

oooooooo000oooooooo

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123

Besoek gerus ons Webwerf by: www.centurion.bowls-club.co.za
en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik